

# ادبیات عمومی و مجری

هفته‌لق سیاسی، ادبی و علمی غزته‌در.

جلد : ۱

سنه : ۱ ۲۷ صفر ۱۳۳۵ جمعه ایرتسی ۱۰ کانون اول ۱۳۳۲ نومرو ۸

[ صدر ایسویه راعیانه رئیس سابقی سعید پاشا مره‌ملک،  
اک کوزل و اک مکمل سفارتنامه من اولاده غالب پاشا مخطومه من مقررده  
طرزنامه رشاد فتواریلک افندی به خطاباً یازمه اولمقلری غیر منتشر  
مکتوبی آتی به درج ایریریله. بوکونه قدر غیر مطبوع اولاده اوکوملک  
سفارتنامه‌لک ده کلاملک نسخده مزده باشمدا یاقینی تبشیر ایریرله. ]

اجناد سموثرادلرندن صالح ملا علیه رحمة‌الملک الاعلانک ترجمه حالی استنساخ اولمغله نسخه  
اصلیه اعاده قلندی. خاندان کرامیلرینک اعظم اعضاسنه متعلق بر اثر ذی‌عبرتله مخلصلرینی وایه‌مند  
وقوف بیوردقلرینه نه‌قدر تشکر اولنسه آزدر. بوراده مناسبتی یوق اما هر مضمیری اظهاره مساعد  
وسائل و ازمنه ذاتاً هرکسه میسر اولمدیغنی دوشنه‌رک ولهذا وجه تعلق ارامیه‌رق بر شی‌دها  
یازه‌جغم: بوندن اون آلتی سنه اول احسان ایتدیکنز سفارتنامه غالبی حالا اعاده ایده‌مدم.  
معلومدرکه دول علیه اوروپا جمعیت دولیه‌سنه. دخولدن مقدم دول غربیه‌دن بعضیلری نزدینه  
وقتاً بوقه سفرای فوق‌العاده کوندرمشدرکه بونلر اون سکنز ذاتدر واون دردی سفارتنامه نامیه  
مخطومه‌لر یازمشلردر. اک مدققاته یازیلن سفارتنامه ایسه غالب پاشانککیدر. یازق که ناقص قالشدر.  
مشارالیه کرچکدن دیپلومات و اصول تدبیر مملکتده ماهر، بناءً علیه نزد دواتده موقر ایمش؛  
حتی سلطان سلیم ثالث بر کون باب عالی‌یه کلیر، بعض مصالح مهمه خارجه مذاکره‌سندن صکره  
اولوقت امدجی یولنان بوغالب افندی‌نی وسعت اقتدارینه بناءً سفارت فوق‌العاده ایله پارسه مأمور

ایدر . سفارت خلعتی دخی حضورده ایکا ایدیلیر . بورالری تاریخدن اکلشیلور . ثقاتدن منقول بعض مزایاته کلنجه غالب افندی بزم طرفدن بر مجلس مکالمه دولیهده مرخص ایکن او مجلسده موجود بولان روسیه و اوستریا مرخصلرینک ایکی اوچ صحیفه بی محتوا ایدن سوزلرینه اون بش کله دن عبارت بر جواب موجز و مقنع ایله مدافعه ایلش . دیگر مرخصلر مزدن بری بونی استصغار ایدنجه « ممکن اولسه ایدی او اون بش کله بی بر درجه دها قصر ایدردم » دیه رفیقنی الزام ایدر . بونی عهد قریبده رحلت ایدن رضا افندی به رشید پاشا مرحوم نقل ایتش . [ معلومدرکه رشید پاشایی پرتو پاشا آنیده غالب پاشا ایتشدیرمشدر . ]

دیمک که رشید پاشا مرحوم یالکیز کندی مرپسینک دکل مرپی المرپسینک دخی ناشر محامدی ایش . بودلالته دخی مرحومک قدردانانی تضاعف و تعالی ایدیور . کلام ینه غالب پاشایه : مشار الیهک انشاسی کنی اشعاری ده حکیمانه در . حتی احسان ایتدی کیز ترجمه حالک بر محنده مندرج « جهان ایتدی سرایت او کونه دام دروغ ، که ایلدی غلبه صبح صدقه شام دروغ » بیت که جذبر کواری عزت ملاوالدی حقنده بر منافقک کیدندن شکایت ایدر کن مقام تیمده یازیور . بو بیت غالب پاشانک بر غزلنددر . آنک ماقبلنده اولان ایکی بیتک بری « کلام صدقه تصدیق اولندی قالدی . مسامی او قدر ایتدی پرپیام دروغ » دیگر بیتده « منافقت او قدر ایتدی عالمه تأثیر ، که اولدی هپ آلتوب ویریلن سلام دروغ » در . ذات عالیکیزک غوغای عالم وقیل و قال بی . آدمدن اتقاییور دقلرینی ، فقط میل تنقید حتی میل معالی ، تاریخه میل و قوفدن بدأ ایتدی کنی تقدیر اثری اولقی اوزره احوال اسلافی استقرایی سود کلرینی بیادیکم ایچون غالب پاشایه دائر بر شیء دها خبر ویریم : مشار الیهک عمری متوالیا صدمات دهره اتصال ایله کچدیکندن بعض اشعاری بوندن شکوایی اشراپ ایدر .

حتی او یولده و « صاندم » ردیفنده بر غزلی واردر که شعرای معاصره دن بری تنظیر ایتشدی . نظیره نک بر بیت شویله ایدی : « بر اجه لقی ایش کلز ایش بیادم التدن ، بن نفسی دولته یارار خدمته صاندم . » در . ایشته نورعینم مقدماتا عارة احسان ایتدی کیز بوسفار نامه تاریخ سیاسی مزده ، تاریخ ادبیات مزده کعب ممتازی بولان بو غالب پاشانکدر . خصوصاً اثر ، صاحب خطیله اولدیغندن بوده قیمتی تزید ایتشدر . آنک ایچون اعاده سنده حالا مترددم . اثار نفیسه نک هر شعبه سنه محبتله بنام اولان ذات ستوده صفاتلری امید اولنور که معذرتی مقبول عد ایدر لر . اما بر قاچ دفعه وعد بیوریلان محررات خصوصیه مجموعه سی ( قدیم رفعت پاشانک ) اکا مقیس دکلر . او قونور او قونماز امثالی کی اعاده اولنور . کچنکی تشرفده بیورلشدی که بو مجموعه استصحاب اولمشکن ارا به ده اونودلدی فقط ارا به جی کتم ایده من . ویردیکی کی کوتدریلیر . واقعا بو مثللو اثار کاتبلرک ایشنه یازار . جوانب احاددن رغبت مفقود و ارا به جی جانیبندن کتم احتمالی ایسه او هامدن معدود در . اکر ظن اولندی کی استرداد موافقت حاصل اولشده انجامز وعد بیوریله جق ایسه تشکره حاضر اوله لم . باقی ینه مودت بی نهایت .

